



Podignuta nova optužnica za terorizam

Safet Brkić se borio za ISIL

Tužilaštvo ga tereti za učestvovanje u terorističkim aktivnostima • U Olovu važi za agresivnog momka

Tužilaštvo BiH podiglo je jučer optužnicu za terorizam protiv Safeta Brkića, rođenog u Sarajevu, nastanjenog u Olovu. On se tereti da je učestvovao u terorističkim aktivnostima, pružao pomoć terorističkoj grupi i borio se zajedno s drugim osobama iz BiH u Siriji na strani snaga Islamske države (IS), u jedinici „Muhadžiri Ensarije”.

On je uhapšen u akciji SI-PA-e “Damask” u septembru prošle godine, zajedno sa 16 pripadnika vehabijskog pokreta, među kojima je i Bilal Bosnić, a potom pušten.

Prema navodima optužnice, Brkić je sredinom maja 2013. oputovao u Istanbul, odakle je ilegalno prešao granicu između Turske i Sirije i ušao u Siriju, u grad Haritan, gdje je ilegalno boravio do marta 2014.

Iz Tužilaštva je saopćeno da je optuženi u grad Haritan došao s namjerom da se bori na strani IS-a, koji se nalazi na listi terorističkih grupa i organizacija koju je sačinilo Vijeće sigurnosti

Ujedinjenih naroda.

Brkić je optužen za krivično djelo organiziranja terorističke grupe. Optužnica će biti prosljeđena Sudu BiH na potvrđivanje.

Nezvanično saznajemo da Brkić u Olovu važi za agresivnog momka koji je prije dvije godine doveden u vezu s tuzlanskim revolve-rašima i reketašima Berizom Kabilovićem i Ammarom Adrovićem, koji su se okupljali na vehabijskim sjelima u Gornjoj Maoči. Nakon hapšenja pa puštanja na slobodu krajem prošle godine, kako tvrde mještani Olova, Brkić se rijetko pojavljuje u ovoj općini. **M.Aš.**

Ostali optuženi

Osim Brkića, Tužilaštvo BiH podiglo je prije sedam dana optužnicu protiv 12 državljana BiH koji se terete da su postali članovi organizirane terorističke grupe i protuzakonito učestvovali u oružanim sukobima na području Sirije i Iraka. Optužnica je podignuta

protiv Avdulaha Hasanović zvanog Ebu Sara, Ene-sa Mešića, Jasmina Jašarevića zvanog Ebu Revaha i Japa, Emina Hodžića, Mirze Kapića, Salke Imamovića, Adema Karamuje, Fikreta Hadžića, Envera Lilića, Ibri Delića, Samira Hadžalića i Mehmeda Tutmića. Optužnica je podignuta i protiv Mithata Trake, Nevada Hušidića, Merina Keserovića, Huseina Erdića te početkom godine protiv Bilala Bosnića.



Hapšen u akciji “Damask”